

全上古三代秦漢三國六朝文

全晉文卷十

烏程嚴可均校輯

成帝

帝諱衍字世根明帝長子太寧三年三月立爲皇太子閏八月卽位改元二咸和咸康在位十七年諡曰成皇帝廟號顯宗拜敬保傳詔

曲陵公等宣力前朝致勳皇家已德義優弘兼保傳朕躬朕遭家不造奄在哀疚稟訓未究誤事窮蹙其一遵先帝尊崇師傅之教拜敬加已明傳崇德永奉遺範通典六十七

原孔恢詔

咸和二年

恢自陷刑網罪當大辟但已其父年老而有一子已爲惻然可憫之御覽六百四十六引晉書咸和二年句容令孔恢罪棄市詔云云

報庾亮詔

咸和四年三月

省告懇側執已感歎誠是仁舅處物宗之責理亦盡矣若大義既不開塞舅所執理勝何必區區其相易奪賊峻茲逆書契所未有也是天地所不容人神所不宥今年不反明年當反愚智所見也舅與諸公勃然而名正是不忍見無禮于君者也論情與義何得謂之不忠乎若已已總率征討事致敗喪有司宜明直繩已肅國體誠則然矣且舅遂上告方伯席卷來下舅躬貫甲冑賊峻梟懸大事既平天下開泰衍得反正社稷乂安宗廟有奉豈非舅二三方伯亡身陳力之勲耶方當策勳行賞豈復議既往之咎乎且天下大弊死者萬計而與桀寇對岸舅且當上奉先帝顧託之旨引濟艱難使衍沖人永有憑賴則天下幸甚

晉書庾亮傳蘇峻平亮上疏乞骸骨詔云云

詔譙王無忌

四年

王敦作亂閔王遇禍尋事原情今王何責然公私憲制亦已有斷王當自體國爲大豈可尋繹由來已亂朝憲主者其申明法令自

今已往有犯必誅晉書宗室譙王傳無忌父承爲湘州刺史王敦哀下板橋廐子青之在坐無忌志欲復讎將手刃之救捍獲免御史中丞車灌奏無忌欲專殺人付廷尉科罪詔云云于是聽召隨

詔殿內咸和五年

制詔殿內平天通天冠竝不能佳可更修理之隋書禮儀志七引晉起居注

報王導詔咸和中

夫聖王御世動合至道運無不周故能人倫攸敘萬物獲宜朕荷祖宗之重託于王公之上不能仰陶玄風俯洽宇宙亢陽踰時兆庶胥怨邦之不臧惟予一人公體道明哲弘猷深遠勳格四海翼亮三世國典之不墜實仲山甫補之而猥崇謙光引咎克讓元首之愆寄責宰輔祗增其闕博綜萬機不可一日有曠公宜遺履謙之近節遵經國之遠略門下速遣侍中呂下敦喻晉書王導傳時大旱導上疏遜

位詔云云

遷新宮詔

咸和八年

昔大賊縱暴宮室焚蕩元惡雖翦未暇營築有司屢陳朝會逼狹遂作斯宮子來之勞不日而成既獲臨御大饗羣后九賓充庭百官象物知君子勤禮小人盡力矣思蠲密網咸同斯惠其赦五歲刑已下令諸郡舉力人能舉千五百斤已上者

晉書成帝紀

徵翟湯虞喜爲散騎常侍詔

八年四月

尋陽翟湯會稽虞喜竝守道清貞不營世務耽學高尚操擬古人往雖徵命而不降屈豈素絲難染而搜引禮簡乎政道須賢宜納諸廊廟其竝已散騎常侍徵之

晉書虞喜傳

優給陸玩孔愉詔

八年

尙書令玩左僕射愉竝恪居官次祿不代耕端右任重先朝所崇其給玩親信三十人愉已二十人稟賜

晉書孔愉傳

北討詔

八年

制詔戎夷猾夏神州傾覆二帝辭宮幽沒虜庭永言厥艱夙夜慨
憤自聞江表屢有事故尅平內難始漸夷秦征伐事大役不再舉
是日廟筭待期當力觀釁今羯寇衰弊王略彌振時至理盡天人
玄應大將軍涼州刺史西平公駿忠勳三代義誠壯烈總帥秦涼
爲國宣力今遣健步尅同征舉宜令影響相應萬里齊契其先普
告遠近征鎮牧守諸軍並令誠嚴須使還進討蕩滌區宇已雪國
恥其忠臣義士徇功效命必加殊賞已旌勳節文館詞林六
百六十二

正會詔

八年十二月庚子

正會日百寮增祿賜醕酒人二升

藝文類聚四引
晉咸康起居注

贈陶侃詔

咸和九年六月

故使持節侍中太尉都督荆江雍梁交廣益寧八州諸軍事荆江

二州刺史長沙郡公經德蘊哲

文選齊竟陵王行狀注
引晉中興書作秉哲

謀猷弘遠

作藩于外八州肅清勤王于內皇家已寧乃者桓文之勳伯舅是

憑方賴大猷，俾屏予一人前進位。大司馬禮秩榮命，未及加崇。昊天不弔，奄忽薨殂。朕用震悼于厥心，今遣兼鴻臚追贈大司馬假

蜜章，嗣曰太牢，魂而有靈，嘉茲寵榮。

晉書陶侃傳

戲兵詔

咸和中

內外諸軍戲兵於南郊之場

宋書禮志一

改元大赦詔

咸康元年正月朔

有司條典，虔奉郊祀。燔柴既饗，芳氣清穆。其赦天下，令咸得自新。

初學記二十

贈建安君爲豫章郡君詔

元年

朕少遭憫凶，慈訓無稟。撫育之勤，建安君之仁也。一旦薨殂，實思報復。永惟平昔，感痛哀摧。其贈豫章郡君，別立廟于京都。

晉書后妃下豫

章君荀氏傳

報衛直啟作皇后畫輪車詔

元年

所奏車何乃奢費爾更籌量北堂書鈔未刪改本一百三十九引
晉起居注載陳元年兼殿中監衛直

啟作皇后畫
輪車語云云
許彭城王紘解官養疾詔 咸康初

王曰明德茂親居宗師之重宜敷道養德靜一其操而頃游行煩
數日履風塵宜令官屬已下各已職奉衛不得令王復有此勞內
外職司各慎其局王可解常侍光祿宗師先所給車牛可錄取賜
米布牀帳已養疾晉書宗室彭
城王權附傳

授陸玩左光祿大夫詔 咸康初

玩體道清純雅量弘遠歷位內外風績顯著宜居台司已允眾望
授左光祿大夫開府儀同三司加散騎常侍餘如故晉書陸
玩傳

求衛公山陽公後詔 咸康二年十月

歷觀先代莫不褒崇明祀賓禮三恪故祀宋啟土光于周典宗姬
侯衛垂美漢冊自頃喪亂庶邦殄悴周漢之後絕而莫繼其詳求

衛公山陽公近屬有履行修明可已繼承其祀者依舊典施行晉書

紀

壬辰詔書二年

占山護澤疆盜律論賊一丈已上皆棄市宋書羊玄保傳有司檢

壬辰之備其禁嚴刻停除咸康二年壬辰之科

議拜三公儀注詔咸康三年通典作咸寧誤

三公鼎司皇帝有興拜之禮何已不設樂又正位南面何已不服

冕通典七十一又一百四十七

追卹下壺詔咸康六年

壺立朝忠恪喪身兇寇所封懸遠租秩薄少妻息不贍已為慨然

可給寶口廩晉書下帝傳

杜皇后崩内外入臨詔咸康七年三月

外官五日一入臨内官旦一入而已過葬虞祭禮畢止宋書禮志二又通典

七十

停凶門柏歷詔

門如何處凶門柏歷大為繁費停之

宋書禮志二有司奏大行皇帝陵所作凶門柏歷門號順

陽端門詔云云又見通典七十九

又詔

重壤之下豈宜崇飾無用陵中唯潔埽而已

宋書禮志二通典七十九

奔喪詔

咸康中

今輕此制於名教為不盡矣今宜已議者既眾不必改先制宜依

濠所上施行

通典人十

葬恭杜皇后詔

七年三月

吉凶典儀誠宜備設然豐約之度亦當隨時況重壤之下而崇飾

無用邪今山陵之事一從節儉陵中唯潔埽而已不得施塗車芻

靈

晉書成恭杜皇后傳

皇后喪不廢三正吉禮詔 七年

今既曰天下體大禮從權宜三正之饗宜盡用吉禮也至娛耳目之樂所不忍聞故闕之耳事之大者不過上壽酒稱萬歲已許其大不足復闕鐘鼓鼓吹也

晉書樂志下

正會奏樂詔 七年十二月

若元日大饗萬國朝宗庭廢鐘鼓之奏遂闕起居之節朝無磬折之音賓無蹈履之度其于事儀不亦闕乎諸人當準量輕重曰制事中則情典竝隨國無滯儀矣

御覽二十九引晉起居注又見晉書樂志下有刪節

下八座詔 咸康八年

祖諱孰若君命之重耶下八座詳之

通典一百四咸康八年詔曰王允之爲衛將軍會稽內史

允之表郡與祖會名同乞改授詔曰云云

爲東海王冲立後詔 八年六月

哀王無嗣國統將絕朕所哀恤其曰小晚生奕繼哀王爲東海王

晉書元四王
東海王冲傳

追贈刁協本官詔

咸康中

協情在忠主而失爲臣之道故令王敦得託名公義而實肆私忌
遂令社稷受屈元皇銜恥致禍之原豈不有由若極明國典則獲
刑非重今正當曰協之勤有可書敦之逆命不可長故議其事耳
今可從協本位加之冊祭曰明有忠於君者纖介必顯雖於貶戮
未盡然或足有勸矣

晉書刁協傳

詔賜羊聃死

此事古今所無何八議之有猶未忍肆之市朝其賜命獄所

晉書
羊曼

傳曼子聃遷廬陵太守疑郡人簡良等爲賊殺二百餘人有司奏
聃罪當死曰景獻皇后是其祖姑應人議成帝詔云云又見法苑
珠林一百十引冤魂志作此事古今所未有此
而可忍孰不可忍何人議之有可獄所賜命
詔羊賁勿離婚

罪不相及古今之合典也聃雖極法於賁何有其特不聽離婚

晉書

羊曼傳：「聘見子黃尚公，注自表求解婚詔云云。」

原羊聘詔

太妃惟此一舅，發言摧沮，乃至吐血，情慮深重。朕往丁荼毒，受太妃撫育之恩，同于慈親。若不堪難忍之痛，已致頓弊。朕亦何顏，已寄，今便原聘生命，已慰太妃渭陽之思。晉書：「羊曼傳又見法苑珠林一百十引冤魂志。」

遺詔

朕已眇年，獲嗣洪緒，託于王公之上。於茲十有八年，未能闡融政道，剪除遺祿。夙夜戰兢，匪遑寧處。今遭疾殆，不興，是用震悼于厥心，千齡眇眇，未堪艱難。司徒琅邪王岳，親則母弟，體則仁長，君人之風，允塞時望。肆爾王公卿士，其輔之。已祇奉祖宗明祀，協和內外，允執其中。嗚呼！敬之哉！無墜祖宗之顯命。晉書：「成帝紀。」

贈謚溫嶠冊

咸和四年四月

朕已眇身，纂承洪緒，不能光闡大道，化洽時雍。至乃狂狡滔天，社

稷危逼，惟公明鑒，特達識心，經遠懼皇綱之不維，忿凶寇之縱暴，唱率羣后，五州響應，首啟戎行，元惡授馘，王室危而復安，三光幽而復明，功格宇宙，勳著八表，方賴大猷，已拯區夏，天不憖遺，早世薨殂，朕用痛悼于厥心，夫褒德銘勳，先王之明典，今追贈公侍中、大將軍、持節、都督、刺史、公如故，賜錢百萬，布千疋，諡曰忠武，祠曰太牢，晉書溫嶠傳

拜王導丞相

咸康四年六月

朕夙罹不造，肆陟帝位，未堪多難，禍亂旁興，公文貫九功，武經七德，外緝四海，內齊八政，天地曰平，神人曰和，業同伊尹，道隆姬旦，仰思唐虞，登庸雋乂，申命羣官，允釐庶績，朕思憑高謨，弘濟遠猷，惟稽古建爾于上公，永爲晉輔，往踐厥職，敬敷道訓，曰亮天工，不亦休哉，公其戒之，晉書王導傳

諡王導

咸康五年七月

蓋高位曰酬明德厚爵曰答懋勳至平閭棺標迹莫尙號諡風流
百代于是乎在惟公邁達冲虛玄鑒劭逸夷淡曰約其心體仁曰
流其惠棲遲務外則名雋中夏應期濯纓則潛筭獨運昔我中宗
肅祖之基中興也下帷委誠而策定江左拱己宅心而庶績咸熙
故能威之所振寇虐改心化之所鼓禱杙易質調陰陽之和通彝
倫之紀遼隴承風丹穴景附隆高世之功復宣武之績舊物不失
公協其猷若乃荷負願命保朕冲人遭遇難圯夷險委順拯其淪
墜而濟之曰道扶其顛傾而弘之曰仁經緯三朝而蘊道彌曠方
賴高謨曰穆四海昊天不弔奄忽薨殂朕用震慟于心雖有殷之
殞保衡有周之喪二南曷諭茲懷今遣使持節謁耆僕射任瞻錫
諡曰文獻祠曰太牢魂而有靈嘉茲榮寵

晉書王
導傳

贈郗鑒爵諡冊

五年八月

惟公道德冲遠體識弘遠忠亮雅正行爲世表歷位內外勳庸彌

著乃者約峻狂狷毒流朝廷社稷之危賴公曰寧功侔古烈勳邁
桓文方倚大猷藩翼時難昊天不弔奄忽薨殂朕用震悼于厥心
夫爵曰顯德諡曰表行所曰崇明軌迹丕揚徽猷今贈太宰諡曰
文成祠曰太牢魂而有靈嘉茲寵榮

晉書
陸機傳

康帝

帝諱岳字世同成帝同母弟咸和元年封吳王二年徙封琅邪
王咸康八年六月卽位明年改元建元在位二年諡曰康皇帝

奔喪詔

咸康八年

孝慈起於自然忠孝發於天成若道不喪豈有今弊弊至醜薄反
之何期況曰今日之弊而欲廢準式於饋俗求慈仁於吾朝其於
理化也無乃迂乎

通典
八十

周年不應改服詔

建元元年正月晦

君親名教之重也權制出於近代耳

宋書禮志二
通典八十

曰會稽王昱領太常詔

元年五月

太常職典天地兼掌宗廟其爲任也可謂重矣是已古今選建未嘗不妙簡時望兼收儒雅會稽王叔履尙清虛志道無倦優游上列風議朝肆朕所諮仰其已王領太常本官如故

書鈔五十三
卷二百二十八

引晉中興書又見
晉書簡文帝紀

答有司請權降喪禮詔

元年六月

禮之降殺因時而寢興誠無常矣至於君親相準名教之重莫之改也權制之作蓋出近代雖曰適事實繁薄之始先王崇之後世猶怠而況因循又從輕降義弗可矣

晉書康
帝紀

詔遣使詣安西驃騎

元年七月

慕容皝摧殄羯寇乃云死沒八萬餘人將是其天亡之始也中原之事宜加籌量且載聞已帥部黨歸順宜見慰勞其遣使詣安西

驃騎諮謀諸軍事

晉書康帝紀十六國
春秋卷十六無末句

納皇后儀注詔 建元元年

所曰正法服升太極者，曰敬其始，故備其禮也。今云何更闕所重，而徹法物邪？又恭后神主入廟，先帝詔后禮宜降，不宜建五牛旗，而今猶復設之邪？既不設五牛旗，則旄頭畢罕之物，易具也。

晉書禮志一

詔省納后儀物 元年

舊制既難準，且於今而備亦非宜。府庫之儲，惟當已供軍國之費耳。法服儀飾，粗令舉其餘，兼副雜器，停之。

晉書禮志一

曰謝尚為南中郎將詔 建元二年

尚往，曰：戎戍事要，故輟黃散。曰：授軍旅，所處險要，宜崇其威望。今

曰為南中郎將，餘官如故。

促顧和釋服就職詔 建元二年

百揆務殷端右總要而曠職經久甚已悵然昔先朝政道休明中
夏隆盛山賈諸公皆釋服從時不獲遂其情禮況今日艱難百王
之弊尙書令禮已過祥練豈得聽不赴急疾而遂罔極之情乎晉書
顧和傳

下東陽太守山遐詔

東陽頃來竟囚每多入重豈郡多罪人將捶楚所求莫能自固邪
晉書山
濤附傳

尙書增祿詔

尙書萬事之本朕所責成也而廩秩儉薄甚非治體今雖軍國多
費不爲元凱惜祿其依令僕給尙書各親信五十人廩賜御覽二
百十二
引晉康帝
起居注

書

陸女郎問辭如此可籌量之潘化閣
帖一

討石虎檄文

建元元年七月

石勒因釁前覆舊京窮凶極逆僞號累祀百姓受灰沒之酷王室有黍離之哀不爲少康之隆孰能祀夏不有宣王之興誰克舊物羯帥石虎僭襲凶葉負恃其眾陸梁河朔每念頰口之士懷仁抱義食膽飲血懼其禍酷心存倒懸而力不能奮今遣使持節荊州刺史亭都侯翼高旗連雲組練暎日運孫吳之籌按尙父之略莫不張膽咀鐵人思自奮曰此眾戰其猶烈火之燔秋蓬衡飈之埽落葉也

十六國春秋十六

穆帝

帝諱聃字彭子康帝子建元二年九月卽位改元二永和升平在位十七年諡曰穆皇帝廟號孝宗

曰王洽爲中書令詔

敬和清裁貴令昔爲中書郎吾時尙小數呼見意甚親之今所召

全晉文卷十

唐帝穆帝

十

用為令既機任須才且欲時時相見共講文章待已友臣之義而累表固讓甚違本懷其催洽令拜晉書王導附傳

國妃終三年之服詔

朝廷所已從權制者已王事奪之非為變禮也婦人傳重義大若從權制義將安託晉書禮志中宋書禮志二道典九十三穆帝時臣已反吉國妃亦東海國言哀王薨踰年嗣王乃來不復追服羣宜同除詔曰云云

止扶南天竺旃檀獻馴象詔升平元年正月

昔先帝已殊方異獸或為人患禁之今及其未至可合還本土晉書穆帝紀

此物勞費不少駐令勿送梁書扶南傳

下詔罪王饒升平二年三月

狄飛督王饒忽上吾鴟鳥已避惡此凶物豈宜妄進初學記二十四引何法盛

晉書
與書

聽高松傳爵詔

恒備位大臣，違憲被黜，事已久判。其子崧求直無已，今特聽傳侯

爵。名書高松傳

詔桓溫

質賴英宰淵謀。文選褚淵碑注引晉中興書

詔答許詢

山陰舊為祇洹寺，永興居為崇化寺，造四層塔，物產既罄，猶欠露

槃相輪，一朝風雨，相輪等自傾。時所訪問，乃是剡縣飛來。

引建康實錄許詢捨永興山陰二宅為寺家財珍異悉皆是給既成啟奏孝宗詔

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十一

烏程嚴可均校輯

哀帝

帝諱丕字于齡成帝長子咸康八年封琅邪王升平五年五月迎立改元二隆和興寧在位四年諡曰哀皇帝

呂東海王奕爲琅邪王詔升平五年五月壬戌

朕獲承明命入纂大統顧惟先王宗廟烝嘗無主太妃喪庭廓然靡寄悲痛感摧五內抽割宗國之重情禮兼隆胤嗣之重義無與二東海王奕戚屬親近宜奉本統其呂奕爲琅邪王

晉書哀帝紀

上嗣顯宗呂修本統詔十一月丙辰

顯宗成皇帝顧命曰時事多艱弘高世之風樹德博重呂隆祉稷而國故不已康穆早世胤祚不融朕曰寡德復承先緒感惟永慕悲痛兼摧夫昭穆之義固宜本之天屬繼體承基古今常道宜上

嗣顯宗曰修本統

晉書哀帝紀

曰謝萬為散騎常侍詔

升平五年

前西中郎謝萬才義簡亮宜居獻替其曰萬為散騎常侍

書鈔五十八初

學記十二御覽二百二十

十國並引晉起居注

鴻祀詔

隆和元年

天文失度太史雖有所禳之事猶數責屢彰今欲依鴻祀之制于

太極殿前庭親執虔肅

晉書孔嚴傳

答桓溫請還都洛陽詔

元年

在昔喪亂忽涉五紀戎狄肆暴繼襲凶迹眷言西顧慨歎盈懷知

欲躬率三軍蕩滌氛穢廓清中畿光復舊京非夫外身殉國孰能

若此者哉諸所處分委之高筭但河洛丘墟所營者廣經始之勤

致勞懷也

晉書桓溫傳

日食詔

元年十二月戊午

戎旅路次未得輕簡賦役玄象失度亢旱爲患豈政事未洽將有
板築渭濱之士邪其搜揚隱滯蠲除苛碎詳議法令咸從損要

晉書

哀帝

紀

書

不死罪死罪承中書郎君疾患比委祭情已灼但伏念垂心憂勞
想得治力漸佳不死罪死罪

淳化閣帖一

廢帝

帝諱奕字延齡哀帝同母弟咸寧八年封東海王升平五年改
封琅邪王興寧三年三月迎立改元太和在位六年爲桓溫所
廢延安二年降封海西縣公

曰會稽王昱爲丞相錄尚書事詔

太和元年十月

會稽王體道冲虛理識明久阿衡孝宗有保義之規輔弼哀皇盡
翼亮之道朕承洪緒仍聞善誘愼徽五教儀形具瞻登賢顯親因

之典也。其曰為丞相錄尚書事入朝不趨贊拜不名，劔履上殿，給

羽葆鼓吹，班劔六十人。

御覽二百二十引晉中興書案廢帝紀興寧三年七月改封昱為琅邪王，今此仍

稱會稽者，簡文紀帝固讓故雖封琅邪而不去會稽之號

曰韓伯為領軍將軍詔

太和四年

尚書韓伯陳疾解職，領軍閑無上直之勞，可得從容養病。更曰伯

為領軍將軍

書鈔六十四引晉起居注武帝泰始四年蓋轉寫之誤，當是廢帝太和四年

祓禊詔

六年三月庚午朔

三日臨流杯池，依東堂小會

初學記四引晉起居注

簡文帝

帝諱昱，字道萬。元帝少子，永昌元年封琅邪王。咸和元年徙封

會稽王。廢帝即位，復封琅邪王。太和六年十一月即位，改元咸

安。在位二年，諡曰簡文皇帝。廟號太宗，有集五卷。

詔譙王恬

咸安元年十一月甲寅

悲惋惶惶非所忍聞況言之哉其更詳議通鑑一百三御史中丞

律誅武陵

工部詔答

手詔報桓溫十一月乙卯

若晉祚靈長公便宜奉行前詔如其大運去矣請避賢路晉書簡

司承溫旨奏誅臨帝不許溫固執至于再三帝手詔報

通鑑一百三溫重表固誅臨詞甚酷切帝乃賜溫手詔

大赦詔

十一月戊午

制詔昔王室多故穆哀早崩皇盾夙零神器無寄東海王曰母弟
近屬入纂大統嗣位累年昏闇亂常人倫虧喪大禍必及則我祖
宗之靈靡知所託皇太后深懼皇基時定大計大司馬因順天人
協同神略親率羣后恭承明命雲霧既除皇極載清乃顧朕躬仰
承洪緒雖伊尹之寧殷朝博陸之安漢室弘道委任契齊古賢朕
曰寡德猥居元首司收羣黎奉主社稷永惟先帝受命中興光隆
盛業實懼眇然弗克負荷戰戰兢兢罔知攸濟思與兆庶革心更

始其大赦天下大酺五日增文武位二等孝順忠貞鯁寡孤獨米

人五斛

文館詞林六百六十八
三句從晉書簡文紀補

末

不聽桓溫還姑熟詔

十一月庚申

夫乾坤體合而化成萬物二人同心則不言所利古之哲王咸賴
元輔姬旦光于四夷而周道日隆伊尹格于皇天而殷化日洽大
司馬明德應期光大深遠上合天心含章時發用集大命在予一
人功美博陸道同萬世今進公丞相其大司馬本官皆如故畱公

京都百鎮社稷

晉書桓
溫傳

詔百官

二年三月丁酉

朕居阿衡三世不能濟彼時雍乃至海西失德殆傾皇祚賴祖宗
靈祇之德皇太后淑體應期藩輔忠賢百官戮力用能蕩氛霧於
昊蒼耀晨輝於宇宙遂日眇身託于王公之上思賴羣賢日勸其
闕大敦本息未抑絕華競開忠信公坦之門塞浮偽阿私之路詢

名檢實致之曰道使清濁異流能否殊貫官無批政士無誦譌不
有懲勸則德禮焉施且彊寇未殄勞役未息每念民疲力單則中
夜忘寢若不弘政曰求民瘼簡除游煩曰存儉約將何曰紓之邪
今自非軍國戎祀之要其華飾煩費之用可除者皆除之宜省者
皆省之其鰥寡窮獨癯殘六疾不能自存皆生民之至艱先王之
所愍宜加隱卹各賑賜之若或孝子貞婦殊行異操之人皆曰狀
條列當有曰甄明其節夫肥遯窮谷之賢汨泥揚波之士雖抗志
於玄霄之表潛默於幽岫之裏貪屈高尚之道曰隆協贊之美使
惠風流於天下膏澤被於萬物孰與獨足山水棲遲丘壑徇匹夫
之潔而忘兼濟之大邪古人不借賢于曩代朕所曰虛想於今日
內外百官剖符親民各勤所司使善無不達惡無不聞退食自公
平情曰道使詩人無素飡之刺而吾獲虛心之求豈不善哉其各
宣攝知朕意焉

晉書簡文紀又羣書
治要二十九引晉書

優卹軍士詔 咸安二年三月癸丑

吾承祖宗洪基而昧於政道懼不能允釐天工克隆先業夕惕惟憂若涉泉水賴宰輔忠德道濟伊望羣后竭誠協契斷金內外盡匡翼之規文武致匪躬之節冀因斯道終克弘濟每念干戈未戢公私疲悴藩鎮有疆理之務征戍懷東山之勤或白首戎陣忠勞未敘或行役彌久擔石靡儲何嘗不昧旦晨興夜分忘寢雖未能撫而巡之且欲達其此心可遣大使詣大司馬并問方伯逮於邊戍宣詔大饗求其所安又籌量賜給悉令周普

晉書簡文紀

詔增百官俸 二年三月乙卯

往事故之後百度未充羣僚常俸並皆寡約蓋隨時之義也然退食在朝而祿不代耕非經通之制今資儲漸豐可籌量增俸

晉書簡文紀

出繼爲母服表

咸和中晉書作上疏

亡母生臨臣國沒留臣第臣雖出後而上無所厭則私情得伸昔
敬后崩時孝王先出後亦還服重此則明比臣之所憲章也通典
二又見晉書簡文宣鄭太后傳咸和元年建平國夫人薨簡文時
為琅邪王制服重有司曰王出繼宜降所生國臣不能匡正奏免
國相諸葛頤

奏四祖祧主

四祖同居西祧藏主石室禘祫乃祭如先朝舊儀宋書禮志三永和
二年撫軍將軍會稽王司馬昱
尚書劉劭等奏

答殷浩牋

屬當厄運危弊理盡誠賴時有其才不復遠求版築足下沈識淹
長思綜通練起而明之足已經濟若復深存抱退苟遂本懷吾恐
天下之事於此去矣今紘領不振晉綱不綱願蹈東海復何得邪
由此言之足下去就即是時之廢興時之廢興則家國不異足下
弘思之靜筭之亦將有目深鑒可否望不廢本懷率羣情也晉書
殷浩

傳

與桓溫書

吾遂委篤足下便入冀得相見不謂疾患遂至於此今者懷然勢不復久且雖有詔豈復相及慨恨兼深如何可言天下艱難而冒明幼冲眇然非阿衡輔導之訓當何言靈濟也國事家計一託于公

魏書司馬昱傳昱疾與溫書晉書桓溫傳作帝不豫詔溫曰吾遂委篤足下便入冀得相見便來便來已下十四句皆無

書

昱白所示慶賜事具具此莫大之禮天下大慶得率由舊章慰答民望甚爲盡善但奢則不適於時儉則陋而不典正當斟酌其宜令得會中耳

諸化閣帖一

孝武帝

帝諱曜字昌明簡文帝第三子興寧三年封會稽王咸安二年七月卽位改元二靈康太元在位二十四年爲張貴人所弒

曰孝武皇帝廟號烈祖有集二卷

卽位詔

朕曰不造奄丁閔凶號天扣地瞻知所訴藐然幼冲眇若綴旒深惟社稷之重大懼不克負荷仰憑祖宗之靈積德之祀先帝淳風玄化遺詠在民宰輔英賢勳隆德盛願命之託實賴匡訓羣后率職百寮勤政冀孤弱之躬有寄皇極之基不墜先恩遺惠播于四海思弘餘潤曰康黎庶其大赦天下與民更始

晉書孝武帝紀

詔桓溫

先帝遺敕云事大司馬如事吾令答表便可盡敬

晉書桓溫傳

又詔

大司馬社稷所寄先帝託曰家國內外眾事便就關公施行

晉書桓溫傳

又詔
宣康元年二月

公勲德尊重師保朕躬兼有風患其無敬晉書桓溫傳

報王凝之劾范甯詔宣康中

漢宣云可與共治天下者良二千石也若范甯果如凝之所表者

豈可復宰郡乎晉書范甯傳

詔賻竺道潛宣康二年

潛法師理悟虛遠風鑒清真棄宰相之榮襲染衣之素山居人外

篤勤匪懈方賴宣道曰濟蒼生奄然遷化用痛于懷可賻錢十萬

星馳驛送高僧傳四

地震詔太元元年五月癸丑

頃者上天垂監謹告屢彰朕有懼焉震惕於心思所曰議獄緩死

赦過宥罪庶回大變與之更始晉書孝武帝紀

報桓沖請討苻堅詔元年

醜類違天比年縱肆梁益不守河西傾喪每惟宇內未一憤歎盈

懷將軍經略深長思筭重復忠國之誠形于義旨覽省未周已感
已慨寇雖乘間竊利而已無道臨之黷武窮兇虐用其眾滅亡之
期勢何得久然猶豫不虞軍之善政輒詢于羣后敬從高筭想與
征西協參令圖案文選沈約齊安陸王碑注引晉中興書烈宗肅
易之嘉謀遠猷動靜已聞晉書桓
沖傳

詔定病假限

大臣疾病假滿三月解職

御覽六百三十四引晉
起居注太元元年詔

許桓祕辭散騎常侍詔

太元初

祕受遇先朝是已延之而頻有讓表已栖尚告誠兼有疾疾省用

增歎可順其所執

晉書桓
祕傳

俸給釋道安詔

安法師器識倫通風韻標朗居道訓俗徽績兼著豈直規濟當今
方乃陶津來世俸給一同王公物出所在高僧
傳五

禁毀比輪錢詔

太和三年

錢國之重寶小人貪利銷壞無已監司當已爲意廣州夷人寶貴銅鼓而州境素不出銅閭官私賈人皆於此下

疑有衍誤通典無此三字

貪比

輪錢斤兩差重已入廣州貨與夷人鑄敗作鼓其重爲禁制得者

科罪

晉書食貨志又通典八

詔桓石虔

三年

石虔文武器幹御戎有方古人絕哭金革弗避況在餘哀豈得辭

事可授奮威將軍南平太守

晉書桓石虔傳

案阮逸注元經六年此詔屬太元六年作御戎有方古

今絕倫進冠軍將軍與晉書

除三吳租布詔

太和四年正月

三吳奧壤股肱望郡而水旱併臻百姓生業夙夜惟憂不能忘懷

宜時賑卹救其凋困三吳義興晉陵及會稽遭水之尤甚者全除

一年租布其次聽除半年賑貸者卽已賜之

咸清臨安志四十

符堅攻陷襄陽下詔申警

四年三月壬戌

狡寇縱逸藩守傾沒疆場之虞事兼平日其內外眾官各悉心戮力已康庶事又年穀不登百姓多匱其詔御所供事從儉約九親供給眾官廩俸權可減半凡諸役費自非軍國事要皆宜停省已周時務

晉書孝武帝紀

皇后王氏崩下詔

四年九月

終事唯從儉速

宋書禮志二

又詔

遠近不得遣山陵使

同上

議祭皇子廟詔

太元六年

亡大兄已司馬珣之爲國後祭祀何儀

通典四十七

詔迎武陵王晞柩于新安

六年

感惟摧慟便奉迎靈柩并改移如應氏及故世子梁王諸喪家屬

悉還

晉書元嗣王武陵王晞傳

詔封故前武陵王晞并爵其三子

六年

故前武陵王體自皇極尅己思愆仰惟先朝仁宥之旨豈可情禮靡寄其追封新寧郡王邑千戶晞三子綜璉遵日遵嗣追贈綜給

事中璉散騎郎

晉書元嗣王武陵王晞傳

張天錫歸國詔

太元八年

昔孟明不替終顯厥功豈已一眚而廢才用其已天錫爲散騎常

侍左員外

晉書張天錫傳苻堅大敗于淮肥天錫于陣歸國詔云又見十六國春秋七十四

復張天錫西平公爵詔

故太尉西平公張軌著德遐域世襲前勞彊兵縱害遂至失守散

騎常侍天錫拔迹登朝先祀淪替用增矜慨可復天錫西平郡公

爵

晉書張天錫傳又見十六國春秋七十四

日并朗爲員外散騎侍郎詔

太元九年十月

朗深識逆順望風歸化既嘉此誠亦簡其才可員外散騎侍郎仍賜給之

御覽一百二十四引晉中興書

呂琅邪王道子爲都督中外諸軍事詔太元十年八月

新喪哲輔華戎未一自非明賢懋德其能綏御內外司徒琅邪王

道子體道自然神識穎遠實當口爽之重宜總二南之任可領揚

州刺史錄尚書假節都督中外諸軍事衛府文武二曰配驃騎府

晉書會稽王道子傳謝安薨詔云云

詔議明堂郊祀太元十二年五月壬戌

昔建太廟每事從儉約思與率土致力備禮又太祖虛位明堂未

建郊祀國之大事而稽古之制闕然便可詳議

晉書禮志上宋書禮志三

徵譙武戴襲詔十二年

哲王御世必搜揚幽隱故空谷流縈維之詠邱園賁束帛之觀譙

武戴襲並高其操欲宏儒業並已散騎常侍備禮發遣

元經六

呂侍中王珉兼中書令詔

新除侍中王珉才學廣贍理識清

初學記通

宜處機近已參時務

其呂珉爲長兼中書令

魏文類聚四十八引王珉別傳初學記十一和覽二百二十

答孫潛詔

得上故祕書監所著書省已慨然遠模前典憲章在昔一代之事

輒敷納之祕閣已貽于後

釋藏給三集古今佛道論衡實錄一孫盛子潛曰晉太元十五年上之詔

與殷仲堪詔

太元十七年十一月

卿去有日使人酸然常謂永爲廊廟之寶而忽爲荆楚之珍良已

慨恨

晉書殷仲堪傳帝授仲堪振威將軍荆州刺史假節鎮江陵將之任又詔

上會稽太妃尊號詔

太元十九年

會稽太妃文母之德徽音有融誕載聖明光延于晉先帝追尊聖

善朝議不一道呂疑屈朕述遵先志常惕于心今仰奉遺旨依陽

秋二漢孝懷皇帝故事上太妃尊號曰簡文太后

晉書簡文宣太后傳

案御覽
乎作子

遣兼司空謝琰納太子妃王氏詔 太元二十一年

太子諱婚禮卽就仰祖宗遺烈憑道德之姿保傳將翼賢士竭誠

慎行修德積善慶隆豈惟在乎天資賜所曰宣其悅情其便依舊

御覽一百四十九引
晉孝武帝起居注

訪嵇紹宗族襲爵詔 太元中

襲德顯仁哲王令典故太尉忠穆公執德高邈在否彌宣貞潔之

風義著千載每念其事愴然傷懷忠貞之角蒸嘗宜遠所曰大明

至節崇獎名教可訪其宗族襲爵主祀 晉書嵇紹傳

贈賻周虓詔 太元中

虓厲志貞亮無愧古烈未及拔身奄隕厥命甄表義節國之興也

賻龍驤將軍益州刺史賻錢二十萬布百疋又賻賜其家 晉書周虓傳

賻丁穆詔 太元中

故順陽太守真定侯丁穆力屈身陷而誠節彌固直亮壯勁義貫

古烈其喪柩始反言尋傷悼可贈龍驤將軍雍州刺史賻賜一依

周虓故事爲立屋宅并給其妻衣食日終厥身晉書丁穆傳苻堅

執堅又傾國南寇穆與關中人士唱義謀襲長安事泄通害臨死作表呂付其妻周其後周得至京師詣闕上之帝下詔

詔賻竺法汰

汰法師道播八方澤流後裔奄余喪逝痛貫于懷可賻錢十萬喪

事所須遂由備辦高僧傳五

詔

躬儉已弘下濟之惠文選顏延之侍遊蒜山詩注

與明法師書

自聖帝微問太山朗和尚承徽德光時飛聲東嶽靈海廣淹有生蒙
潤大人起世善翼匡時輒伸經路懸稟妙筭昔劉曜創荒戎狄繼
業元皇龍飛遂息江表舊京淪沒神州傾蕩蒼生荼蓼寄在左袵
每一念至嗟悼朕心長驅魏趙埽平燕代今龍旗方興尅復伊洛

思與和尚同養羣生至人通微想明朕意今遣使者送五色珠像
一軀明光錦五十疋象牙簞五領金鉢五枚到願納受

廣弘明集
三十五

帖

比得譙王書有欲仙語吾答之如別卿前云宜卿譙王參之於眾
云公書卿私書君輒從眾目吾觀之宜當許也想所謂爾

清化閣
帖一

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷十二

烏程嚴

安帝

帝諱德宗字德宗孝武帝長子太和二十一年九月卽位改元三隆安元興義熙在位二十二年劉裕使王韶之弑之諡曰安皇帝

復曰殷仲堪爲荊州詔

隆安二年

間曰將軍憑寄失所朝野懷憂然既往之事宜其兩忘用乃班師迴旆祇順朝旨所曰改授方任蓋隨時之宜將軍大議誠感朕心今還復本位卽撫所鎮釋甲休兵則內外寧一故遣太常茂具宣乃懷

晉書殷仲堪傳

曰孔安國領東海王師詔

隆安中

領軍將軍孔安國貞慎清正出內播譽可曰本官領東海王師必

能導達津梁依仁游藝

晉書孔安國傳

贈殷顗冠軍將軍詔

隆安中

故南蠻校尉殷顗忠績未融奄焉隕喪可贈冠軍將軍

晉書殷顗傳

命元顯釋服居職詔

隆安四年

會稽王妃尊賢莫二朕義同所親今葬加殊禮一依琅邪穆太妃故事元顯夙令光懋乃心所寄誠孝性蒸蒸至痛難奪然不己家事辭王事陽秋之明義不已私限違公制中代之變禮故閔子腰經山王逼屈良已至蹙由中軌容者外有禮無時賢哲斯順頒妃葬畢可居職如故

晉書會稽王道子傳

進吳隱之前將軍詔

元興初

夫孝行篤於閨門清節厲乎風霜實立人之所難而君子之美致也龍驤將軍廣州刺史吳隱之孝友過人祿均九族菲已絜素儉愈魚膾夫處可欲之地而能不改其操饗惟錯之富而家人不易

其服革奢務尚南域改觀朕有嘉焉可進號前將軍賜錢五十萬

穀千斛

晉書吳隱之傳又羣書治要三十引晉書

反正江陵詔

元興三年五月甲申

茲兇纂逆自古有之朕不能武遏杜漸已致播越賴鎮軍將軍裕英略奮發忠勇絕世冠軍將軍毅等誠心宿著協同嘉謀義聲既振士庶效節社稷載安四海齊慶其大赦凡諸畏逼事屈逆命者一無所問

晉書安帝紀

原桓胤詔

三年

夫善著則祚遠勳彰故事殊已宣孟之忠蒙後晉國子文之德世嗣獲存故太尉沖昔藩陝西忠誠王室諸子染凶自貽罪戮念沖遺勤用悽于懷其孫胤宜見矜宥已獎爲善可特全生命

晉書桓胤傳

改元大赦詔

義熙元年正月戊戌

朕曰寡德夙纂洪緒不能緝熙遐邇式遏茲允逆臣桓玄乘釁肆

亂乃誣罔天人、纂據極位、朕躬播越、淪胥荒裔、宣王之基、眇焉已
墜、賴鎮軍將軍裕忠武英斷、誠冠終古、運謀機始、貞賢協其契、校
淚誓眾、義士感其心、故霜戈一揮、巨猾奔迸、三率稜威、大憝授首、
而孽振猖狂、嗣凶荆郢、幸天祚社稷、義旗載捷、狡徒沮潰、朕獲反
正、斯實宗廟之靈、勤王之勳、豈朕一人獨享伊祐、思與億兆、幸茲
更始、其大赦改元、唯立振一祖及同黨不在原例、賜百官爵二級、
鰥寡孤獨穀人五斛、大酺五日、晉書安帝紀

詔百官

元年三月乙未

此非諸卿之過、其還率職、晉書安帝紀

毛璩文處茂進爵詔

元年正月

夫貞松標於歲寒、忠臣亮於國危、益州刺史璩、體識弘正、誠契義
旗、受命偏師、次於近畿、匡翼之勳、實感朕心、可進征西將軍、加散
騎常侍、都督益梁秦涼寧五州軍事、行宜都監、屬太守文處茂、宣

讚蕃牧蒙險夷難可輔國將軍西夷校尉巴西梓潼二郡太守

毛寶附傳

又詔毛瑾等

西夷校尉瑾為持節監梁秦二州軍事征虜將軍梁秦二州刺史

略陽武都太守瑾弟蜀郡太守瑗為輔國將軍靈州刺史

皆瑾弟

答釋慧遠詔

當在元年二三月間

陽中感懷知所患未佳甚情耿去月發江陵在道多諸惡情遲兼

常本冀經過相見法師既養素山林又所患未痊邈無復因增其

歎恨

高僧傳六

詔劉裕為侍中車騎將軍詔

三月庚子

古稱大者天地其次君臣所已列貫三辰神人代序諒理本於造

昧而運用於萬葉故盈否時襲四靈通其變王道或昧貞賢拯其

危天命所召永固人心所召攸穆雖夏周中傾賴靡申之績莽倫
載竊實二代是維或乘資藉號或業隆異世猶詩書曰之休詠記
策用爲美談未有因心撫民而誠發理應援神器於已淪若在今
之盛者也朕曰寡昧遭家不造越自遘閔屬當屯極逆臣桓玄乘
豐縱隱窮凶恣虐滔天猾夏遂誣罔人神肆其纂亂祖宗之基既
湮七廟之饗胥殄若墜淵谷未足斯譬皇度有晉天縱英哲使持
節都督揚徐兗豫青冀幽并江九州諸軍事鎮軍將軍徐青二州
刺史忠誠天亮神武命世用能貞明協契義夫響臻故順聲一唱
二溟卷波英風振路宸居清翳暨冠軍將軍毅輔國將軍無忌振
武將軍道規舟旗遙邁而元凶傳首回戈疊揮則荆漢霧廓俾宣
元之祚永固於嵩岱傾基重造再集於朕躬宗廟歆七百之祐皇
基融載新之命念功惟德永言銘懷固已道冠開闢獨絕終古書
契已來未之前聞矣雖則功高靡尙理至難文而崇庸命德哲王

攸先者將已弘道制治深闢盛衰故伊望膺殊命之錫桓文饗備
物之禮況宏徵不世顧邈百代者宜極名器之隆已光大國之盛
而鎮軍謙虛自衷誠旨屢顯朕重逆仲父乃所已愈彰德美也鎮
軍可進位侍中車騎將軍都督中外諸軍事使持節徐青二州刺
史如故顯祚大邦啟茲疆宇

宋書武帝紀上

減省供奉詔

三月甲辰

自頃國難之後人物凋殘常所供奉猶不改舊豈所已視人如傷

禹湯歸過之誠哉可籌量減省

晉書安帝紀

加贈檀憑之詔

義熙初

夫旌善紀功有國之通典沒而不朽節義之篤行故冀州刺史檀
憑之忠烈果毅亡身為國既義敦其情故臨危授命考諸心迹古
人無已遠過近者之贈意猶恨焉可加贈散騎常侍本官如故既
隕身王事亦宜追論封賞可封曲阿縣公邑三千戶

晉書檀憑之傳

答尙書請撰國史詔 二年

先朝至德光被未嘗方策宜流風緬代永貽將來者也便敕撰集

宋書徐

廣傳

追贈何無忌詔 六年三月

無忌秉哲履正忠亮明允亡身殉國則契協英謨經綸屯昧則重氛載廓及敷政方夏實播風惠妖寇構亂侵擾邦畿投袂致討志清王略而事出慮外臨危彌厲握節隕難誠貫古賢朕用傷慟于厥懷其贈侍中司空本官如故諡曰忠肅

晉書何無忌傳

征劉毅詔 八年九月

制詔劉毅傲狠凶戾履霜日久中間覆敗宜卽顯戮晉法含弘復蒙寵授曾不思愆內訟怨望滋甚賴宰輔藏疾特加遵養遂復推轂陝西寵榮隆泰庶能洗心感遇革音改意而長惡不悛志爲茲寃陵上虐下縱逆無度既解督任江州非復所統而輒徙兵眾略

取軍資

文歸詞林作阻逆

驅斥萬戍厚樹親黨西府二局文武盈萬悉皆

割留曾無片言肆心恣欲罔顧天朝又與從弟藩遠相影響招聚

剽狡繕甲阻兵外託省疾實規伺隙同惡相濟圖會荆郢尚書左

僕射謝混憑藉世資超蒙殊遇而輕佻躁脫職爲亂階扇動內外

連謀萬里是而可忍孰不可懷已詔太尉隨宜翦戮諸所處分一

委公高筭

晉書劉毅傳文館詞林六百六十二

詔大司馬太尉二府依舊辟召緣

十二年

大司馬明德懋親太尉道勳光大蒞徽序彝倫燮和二氣髦俊引

領思佐鼎鼐而雅尚冲挹四門弗闕誠合大雅謙虛之道實違急

賢贊世之務昔蒲輪載徵異人竝出東平開府奇士嚮臻濟濟之

盛朕有欽焉可敕二府依舊辟召必將明揚俊乂副軌前賢矣

晉書

恭帝紀

詔大司馬

大司馬地隆任重親賢莫貳雖府受節度可身無致敬

晉書恭帝紀案此

安帝詔恭帝耳文選齊竟陵王行

張注引晉中興書恭帝詔云云誤

進劉裕爲宋公詔

十二年十月

夫嵩岱配極則乾道增輝藩岳作屏則帝王成務是已夏殷資昆
彭之伯有周倚齊晉之輔鑒諸前典儀型萬代翼治扶危靡不由
此太尉公命世天縱齊聖廣淵明燭四方道光宇宙爰自口口初
迪則投懃王國妖蜚孔熾則功存社稷固已四維是荷萬邦攸賴
者矣暨桓玄僭逆傾蕩四海公深秉大節靈武震震弘濟朕躬再
造王室每惟勳德銘于厥心遂北清海岱南夷百越荆雍稽服庸
岷順軌尅黜方難式遏寇虐及阿衡王猷班序內外仰興絕風傷
嗣逸業秉禮已整俗遵王已垂訓聲教遠被無思不洽爰暨木居
海處之酋被髮雕題之長莫不忘其陋險九譯來庭此蓋播諸徽
策靡究其詳者也曩者永嘉不綱諸夏幅裂終古帝居淪胥戎虜

永言園陵率土同慕公明發遐慨撫機電征親董侯伯稜威致討
旗旛首塗則八表響震偏師先路則多壘雲徹舊都載清五陵復
禮百城屈膝千落影從自篇籍所載生民自來勛德懋功未有若
此之盛者也昔周呂佐敷聖之主因三分之形把旄仗鉞一時指
麾皆大啟疆宇跨州兼國其在桓文方茲尤儉然亦顯被寵章光
錫殊品況乃獨絕百代顧邈前烈者哉朕每弘鑒古訓思遵合圖
呂公深秉冲挹用闕大禮天人引領于茲歷載況今禹迹齊軌九
隩同文司勳抗策普天增仁遂公高挹大愆國章三靈眷屬朕實
祇懼便宜顯答羣望允崇盛典其進位相國總百揆揚州牧封十
郡爲宋公備九錫之禮加璽綬遠遊冠位在諸侯王上加相國綠
綬綬宋書武帝紀中案九錫文傳亮作疑此及
晉爵宋王詔亦亮作已無左證故編于此
慰勞劉裕詔義熙十三年

逋寇阻隘晏安假日舉斧函谷規延王誅羣師勤王將離寒暑公

躬秉鉞鉞稜威首塗戎輅載脂則郊壘疊卷峭陝甫踐則潼塞開
局姚泓窘逼棄城送死藍田偏師覆之霸川甲首成林俘獲蔽野
偽首奔迸華戎雲集積紀逋寇旦夕夷殄

宋書
自序

進宋公爵爲王詔

義熙十三年十月

朕聞先王之莅天下也上則大寶曰尊德下則建侯曰發功是已
成勳告就文命有玄圭之錫四海來王姬旦饗龜蒙之卦夫翼聖
宣績輔德弘猷禮窮元賞寵章希世況明保沖昧獨運陶鈞者哉
朕曰不德遭家多難雲雷作屯夷羿竊命失位京邑遂播蠻荆艱
難卑約制命凶醜相國宋公天縱睿聖命世應期誠貫三靈大節
宏發拯朕躬於巢幕迴靈命於已崩固已道窮北面臨格八表者
矣及外積全國之勳內累戡黎之伐芟夷彊妖之始蘊崇奸猾之
源顯仁臧用之道六府孔脩之績莫不雲行雨施能事畢舉諒已
方軌於三五不容於典策者焉自永嘉喪師綿踰十紀五都分崩

然正朔時暨，唯三秦懸隔，未之暫賓。至今羌虜屢亂，淫虐三世，資百二之易守，恃函谷之可關。廟筭韜略，不謀之日久矣。公命世撫運，闢曜威靈，內研諸侯之慮，外致上天之罰。故能倉兕甫訓，則許鄭風偃，鉏鉞未指，則源洛霧披。俾舊闕元陽，復集萬國之軫。東京父老，重覩司隸之章。俾朕負辰高拱，而保大洪烈。是用遠鑒前典，延卽羣謀，敬授殊錫，光啟疆宇。乘馬之制，有陋舊章。微稱之美，未窮上爵。豈足已顯報懋功，允塞民望。藩輔王畿，長轡六合者乎。實曰公每秉謙德，卑不可踰，難進之道。已寵爲威，是故降損盛制。且有後命也。自茲迄今，洪勳彌劭，稜威九河。趙魏底服，迴轅嶠潼。連城冰泮，遂長驅灞澠。懸旂龍門，逆虜姚泓，係頸就擒。百稔梗穢，滌於崇朝。祖宗遺憤，雪於一旦。涉禹之迹，方行天下。至于海外，罔有不服。功固萬世，其寧惟永。豈金石雅頌所能讚揚。實可已告於神明。勒銘嵩岱者已。朕又聞之周道方遠，則鸞鶴鳴岐。二南播德，則

麟駟呈瑞。自公大號初發。爰暨告成。靈祥炳煥。不可勝紀。豈伊素
雉遠至。嘉禾近歸而已哉。朕每仰鑒玄應。俯察人謀。進惟道勳。退
惟國典。豈得遂公沖挹。而久蘊盛策。便宜敬行大禮。允副幽顯之
望。其進宋公爵爲王。呂徐州之海陵。東安。北琅邪。北東莞。北東海。
北譙。北梁。豫州之汝南。北潁川。北南頓。凡十郡。益宋國。其相國。揚
州牧。領征西將軍。司豫北。徐。雍。四州刺史如故。宋書武帝紀中

呂檀祇爲宋領軍將軍詔十四年

宋國始立。內外草創。禁旅王要。總司須才。右將軍祇可爲宋領軍
將軍。加散騎常侍。宋書檀祇傳

追贈毛璩及弟瑾瑗等詔義熙中

故益州刺史璩。西夷校尉瑾。蜀郡太守瑗。勤王忠烈。事乖慮外。葬
送日近。益懷惻愴。可皆贈先所授官。給錢三十萬。布三百疋。晉書毛寶

附傳璩及弟璩瑗并子姪之在蜀者爲譙縱所沒
義熙中始陳太守時延祖上疏訟璩兄弟於是詔

追贈魏詠之詔

魏照中

魏詠之器宇弘邵識局貞隱同獎之誠寶銘王府敷績之效垂惠在人奄致隕喪惻愴于心可贈太常加散騎常侍

晉書魏詠之傳

詔

今權順所請旨申超世之美

文選稽淵碑注引晉起居注安帝詔

元功盛德超前絕後

文選齊安陸王碑注引晉起居注安帝詔

下書討桓玄

元興元年正月

豎子桓玄故大司馬不腆之息少懷狡惡長而不悛遂與王恭協同姦謀阻兵內侮三方雲集志在問鼎闕擬神器賴祖宗威靈宰輔神略忠義奮發罪人斯殞玄等猖狂失圖回舟鳥逝便宜乘會殲除姦源于時同異之論用惑廟策遂使王憲廢撓寵授非所猶冀玄當洗濯冒膺小懲大誡而狼心弗革悖慢愈甚割據江湘擅威荆郢矯命稱制與奪在手又對侍中王謐放肆醜言欲縱凶毒

陵陷上京無君之心形於音翰不臣之迹日月彌著是可忍也孰
不可懷宜明九伐已寧西夏尙書令後將軍元顯可爲征討大都
督督十八州諸軍事驃騎大將軍儀同三司已劉牢之爲前鋒行
征西將軍權領江州命司馬尙之入河水

魏書桓
玄傳

授劉裕策

義熙三年二月

有扈滔天夷羿乘釁亂節于紀實撓皇極賊臣桓玄怙寵肆逆乃
摧傾華霍倒拔嵩岱五嶽旣夷六地易所公命世英縱藏器待時
因心資敬誓雪國恥慨憤陵夷誠發宵寐旣而歲月屢遷神器已
遠忠孝幽寄實貫三靈爾乃介石勝機宣契畢舉訴蒼天已爲正
揮義旅而一驅奔鋒數百勢烈激電百萬不能抗限制路日直植
城遂使衝鯨潰流暴鱗奔漢廟勝遠加重氛載勝二儀廓清三光
返照事遂永代功高開闢理微稱謂義感朕心若夫道爲身濟猶
靡厥爾況乃誠德旣深勳貫天人者乎是用建茲邦國永祚山河

言念載懷匪云足報往欽哉俾屏余一人長弼皇晉流風垂祚暉烈無窮其降承嘉策對敷朕命宋書武帝紀上

恭帝

帝諱德文字德文安帝同母弟初封琅邪王歷中軍將軍散騎常侍衛將軍開府儀同三司加侍中領司徒錄尚書事元興初遷車騎大將軍桓玄輔政進太宰及纂位曰爲石陽縣公玄平復爲琅邪王領徐州刺史拜大司馬領司徒曰義熙十四年十二月卽位改元元熙在位二年禪于宋封零陵王永初二年遇弑諡曰恭皇帝案宋書王韶之傳云恭帝卽位遷黃門侍郎領入詔之集

北征上疏

請帥所莅啟行戎路脩敬山陵晉書恭帝紀

復上疏乞奉辭陵廟

臣推轂闕外將革寒暑不獲展情延燧私心罔極伏願天慈特垂聽許使臣微誠粗申卽路無恨

晉書恭帝紀

四府君祧主議

太始之初虛太祖之位而緣情流遠上及征西故世盡則宜毀而宣皇帝正太祖之位又漢光武帝移十一帝主於洛邑則毀主不設理可推矣宜從范宣之言築別室居四府君之主永藏而不祀也

宋書禮志二義熙九年四月大司馬琅邪王德文議又略見晉書禮志上

賜進士出身二品銜廣東等處提刑按察使司按察使兼管驛傳事務黃岡王毓藻校刊